

鹿洲全集

戊辰仲春  
重印

玖





鹿洲公案

序

鹿洲先生獨坐土室日夜讀書著述余過之曰噫有此安閒自得之一日乎鹿洲笑曰吾所入者皆自得若安閒與否則非吾所知也俄有民自

十里百里至者皆提筐挈榼  
悲歎太息言公為政似龍圖  
而禍變出意外民等甚為不  
服先生笑而謝之且搖手曰  
後不可作斯語此非所以愛  
我也惠來邑民王希伍年八

十餘矣扶杖行二百里攜米  
五升雞子十數枚餽先生而  
泣焉曰天乎天乎不圖包公  
一至於此余於是嘆先生異  
政感及隣封去官之後乃見  
輿情不獨潮普兩邑之民為

然矣先生聽訟如神果有包  
孝肅遺風每當疑獄難明虛  
公靜鞫似別有鈞致之術雖  
狡黠訟師積年老賊詞說不  
能難夾責不能服者一見先  
生即鬼詐不知何往不待刑



而畢輸其情余每怪世人讞  
訟全以刑法推敲三木之下  
何求不得萬一有差九原怨  
痛寧有極乎先生聽斷惟恐  
小民不得盡其詞怡色和聲  
從容辯折俟其無所逃遁而

後定其是非是以刑者不寬  
死者無恨民不能欺而亦自  
不敢欺此吾夫子所謂大畏  
民志者也使天下司刑之官  
皆如先生之公明詳慎宇內  
豈有冤民哉先生追思往事

擇其案情稍異者筆之成書  
為公案偶紀二卷夫世所傳  
龍圖公案吾不知其真贋何  
如覺中間鬼事太多不足為  
訓且亦有非孝肅公寔蹟者  
以鹿洲公案視之似更質而



加之以文卓乎可傳也人  
皆以公忠受福為先生扼腕  
余獨以此為先生賀則搯心  
可以對  
君父制行可以對庶民求仁  
得仁夫復何歎况孟夫子有

生於憂患之說乎先生自服  
官以來惟在普得寢食耳未  
兩月而普邑大治當道以先  
生為才俾兼潮篆奉檄日自  
普啓行入潮境沿途相驗命  
案者三宗而後至潮邑又當

上年歉收之後五營軍士乏糧半載盜賊遍野行人持梃結隊尚岌了未必保全豪強奸宄暴寡凌弱竊人之妻鬻人之子爭山霸海奪田侵宅日告愬者一二千人先生極

力整頓籌兵食靖萑苻治豪  
猾獄訟隨到隨決黎明視事  
漏下二三鼓而後退食又詞  
狀簿書不肯假手他人雞六  
鳴而後就寢東方微白復起  
視事如是者一載有餘無一



日一時之間斷地方寧靜治  
績甫成又有戰船砲臺城垣  
營房西穀之大累心血俱竭  
尚朔望偕諸生講學談道使  
之共興於尊前光榮四照事  
君親上孝弟忠信之風講畢

課文躬為評隲親友咸勸節  
勞曰功名與身命孰重先生  
曰吾一日不如此便覺此心  
不可以對  
君非為名也吾一介草茅受  
恩深重鞠躬盡瘁死而後已

余乃知先生之遭阨正造物  
所以厚先生而延之命也從  
茲得遂志林泉等身著述自  
足千秋即使重出勤勞亦多  
此一畚休養閱歷人情變態  
宦海風波未必非憂戚玉成

之一助余所以為先生賀亦  
信先生能自樂其樂也潮邑  
已臻大治夜戶弗扃民有仁  
讓之俗讀鹿洲公案者當知  
先生一片苦心不徒以創見  
而誇美之也是為序雍正己



酉春日衡山年全學愚弟曠  
教本拜手題



西泰次印...

許大...

...

鹿洲公案目錄

潮普邑令藍鼎元著

偶紀上

五營兵食

三究盜屍

邪教惑民

幽魂對質

葫蘆地

沒字詞

龍湫埔奇貨

死丐得妻子

賊輕再醮人

閩廣洋盜

兄弟訟田

卓洲溪

改甲冊

偶紀下

雲落店私刑

三山王多口

西穀船戶

忍心長舌

仙村樓

尺五棍

林軍師

山門城

猪血有靈

古樞作孽

蜃樓可畏

酥林對

感心身苦人

西鄰張文

王山王

雲吞舌味無

樹下

鹿洲公案卷上

漳浦藍鼎元玉霖著

衡山曠敏本魯之評

宣逸夫校

五營兵食

潮陽一縣歲徵民米軍屯一萬一千餘石配給海門  
達濠潮陽惠來潮州城守五營兵食無有存者徵收  
不前則庚癸將呼非細故也雍正五年丁未承三載

關係甚大



荒歉之餘米價騰貴潮令魏君發支兵米至五月之  
 半止矣其半月不能繼六七兩月將誰任又不繼八  
 月解組大埔尹白君署潮篆九月卒于官五營軍士  
 半載乏食懸釜嗷嗷民閒岌焉時鎮潮大帥尚公約  
 兵有法紀律嚴明潮陽海門諸守將皆能得士心是  
 以諸軍雖極苦而無敢越念大吏以余承乏代庖茲  
 邑冬十月十八日抵任廩無粒米倉無遺穀軍士多  
 鳩形鵠面有不能終日之勢適奉憲檄借運鎮平程  
 鄉倉穀三千石暫給兵餉余曰噫美矣但募舟轉運

好軍士

好將官

好鎮帥

上水下灘往返須二十日體恤下情聞者已欣悅矣恐兵丁不能久待且夫船運費將何所資轉盼數月又有運還程鎮補倉之費可遂云長策乎查是歲早禾半收冬稔八分以上設法催征未必不較便捷也二字可憐吏皆曰難甚潮人素有健逋之癖鄉間居民有糧者少連阡廣陌皆郭內世家大族之田闔邑鄉紳舉貢文武生員不下七八百人捐納監生一千三四百人院司道府書吏轅役勢豪大棍不知幾千百人皆威權烜赫如虎如狼持檄催糧之差孰有過其宅而問者見之惴惴莫敢仰視稍



有片言獲戾則縛入其家禁閉楚撻否則追至縣堂

難

叢毆公庭之上由來久矣而過差亦遂與和同舞弊

有錢縱釋毫不以催征為意每逢比較拘亡戶餓殍

一二人代責抵塞無有確實糧戶得以見官且比較

輕答百不當一稍示之以嚴刑則有前任魏使君故

衝○役○放○恣○至○此○潮○邑○催○科○二○難

事各役哄堂一聲潰然走散登東山剗石洞二三百

人蜂聚弗返誅之不可勝誅使君無如之何則必款

紳衿邀豪猾出以好言勸慰然後下山供役如常自

此奄奄不能復振百事皆掣肘不可為矣余曰不然

紳衿獨不畏詳革乎。上司吏役不畏上司懲治乎。勢  
豪大棍。吾自有三尺。此無難也。衙役散堂登山。則係  
不軌亂民。吾能禽而盡殺之。僉曰。紳衿憲役。非止百  
十抗糧。可以詳革。必人人而盡申之。安所得許多楮  
墨。且日亦不足矣。余曰。噫。天下豈有不可化之人哉。  
我自有良法。處置非汝等所知也。乃下令闔邑人民。  
曰。潮陽之在嶺東。固巍然大縣也。沃野平田。二百餘  
里。素號產米之區。人物蔚興。世家大族。甲于潮郡。士  
大夫明禮義而重廉恥。古以海濱鄒魯。日之邇年。以

先以禮義廉恥動之

胸有成竹

來西成歉薄急公者鮮兵糈貽悞亦出于無如何今  
冬稔有秋閭閻不苦乏食此亦急公奉上為長吏分  
憂之日也五營軍士自五月至今未沾升斗之糧汝  
等同鄉共井以鄉井情義勸之非親即故寧不相知相恤况設兵衛民  
輸賦養兵古今通義汝等藉人之力以安疆土忍坐  
視其枵腹顛連而不一惻然動心歟茲奉憲檄借運  
鎮平程鄉倉穀三千石暫給潮餉夫鎮平小邑也程  
鄉中邑也小邑人民尚能急公完糧以贏餘米粟養  
活鄰縣汝以潮陽大邦而乞食於小邑不亦可恥甚

簡。面。皮。

乎。况。鎮。程。之。粟。雖。來。汝。士。民。糧。米。終。須。完。納。何。苦。自  
居。頑。戶。抗。欠。之。名。使。堂。堂。大。縣。黯。然。無。色。其。羞。其。否  
願。汝。等。一。深。思。之。也。本。縣。代。庖。伊。始。專。職。催。科。以。濟  
兵。食。查。向。來。糧。米。征。收。每。石。加。耗。一。斗。乃。普。天。通。例。

減耗至此亦宜急公完納

今。本。縣。特。從。寬。減。凡。納。本。年。糧。米。一。斗。收。耗。羨。五。合。  
每。石。耗。米。三。升。納。舊。年。米。一。斗。收。耗。羨。三。合。每。石。耗  
米。三。升。祇。僅。取。足。供。糧。道。養。廉。奏。銷。之。費。本。縣。毫。不  
濡。染。焉。汝。等。當。曲。體。減。耗。為。民。之。心。將。應。納。新。舊。糧  
米。爭。先。納。完。使。十。日。之。內。得。以。發。給。兵。糈。後。此。源。源

主。意。



接○濟○五○營○皆○慶○飽○騰○之○樂○本○縣○實○受○汝○士○民○賜○矣○倘  
汝○等○不○知○情○理○仍○前○抗○玩○不○納○則○本○縣○減○耗○無○益○自  
當○照○舊○加○一○征○收○惟○有○嚴○刑○峻○法○以○與○汝○頑○民○爲○難  
汝○等○自○度○能○抗○本○縣○能○抗○朝○廷○之○法○乎○緝○紳○衿○監  
爲○民○之○望○逋○糧○功○令○更○加○嚴○切○至○于○勢○豪○土○棍○上○司  
衙○役○尤○不○足○道○本○縣○不○侮○鰥○寡○不○畏○彊○禦○倔○強○之○性  
自○昔○已○然○況○今○爲○朝○廷○法○吏○不○能○搏○擊○姦○豪○伸○三  
尺○之○典○章○無○是○理○也○紳○則○詳○叅○士○則○申○禱○奸○棍○蠹○役  
幽○囚○杖○斃○而○其○名○下○應○完○糧○米○說○到○此○處○雖○健○通○者○卽○至○家○破○身○亡○亦○終

亦○當○同○首○  
不○免○干○輸○納○彼○時○雖○欲○悔○之○其○何○及○矣○本○縣○謬○叨○民

牧○有○風○俗○人○心○之○責○所○最○與○士○民○痛○癢○相○關○休○戚○相

共○欲○代○謀○安○居○樂○業○遂○生○復○性○之○計○不○知○凡○幾○此○區

區○急○公○完○糧○分○內○當○為○之○事○非○有○所○苛○求○於○汝○汝○等

也○豈○皆○木○石○心○曾○不○肯○稍○聽○本○縣○一○言○耶○試○於○清○夜○平

旦○反○覆○靜○思○必○有○以○慰○本○縣○之○望○本○縣○將○憑○軾○而○觀

之○是○時○十○三○都○士○民○以○此○舉○為○異○事○歡○欣○趨○納○者○甚

衆○而○一○二○頑○梗○矜○監○且○笑○其○愚○余○密○遣○差○役○捕○致○之

每○日○必○有○一○二○登○堂○者○計○新○舊○積○欠○累○累○總○列○一○單

問之曰。若肯完乎。多浮詞支飾。余曰。噫。汝真不可化。

之士矣。今欲詳革汝。真監則功名可惜。吾不忍也。請

此。坐。懶。不。家。強。良。法。

直。提。爽。

暫入獄中。少坐。不論今日。明日。今夜。明夜。但糧米全

完。即出汝矣。而嗚。嗚。差復漸有弊。不肯攝衿監到官。余

思潮入好訟。每三日一放告。收詞狀。一千楮。即當

此。攝。捕。抗。抗。糧。良。

極少之日。亦一千二三百楮。以上於當堂點唱之時

此。

見條貢監諸生。必呼而問之。曰。若完糧否。召戶房吏

書。資此簿。堆積案頭。立查完通。完則獎以數語。揖之

退。通則開列欠單。置之獄俟。完乃出。由是輸納者益

多而詞訟亦稍減其半計開徵甫十日積米盈倉遂

多矣

見於賢子惜運久旱逢甘雨

給發五六月兵食先潮陽一營次海門次達濠次潮

州城守營又次惠來營輪流一週復給七八月兵食

果源源接濟前者方去後者復來九月十月十一

辭賜

十二等月皆支領足數至臘月二十八日而告厥成

功不復有懸欠升斗矣五營軍士騰軫感激不可名

狀潮陽營遊府劉公海門營叅府許公皆曰我等平

平心之語亦私衷共濟

自揣苟得支給一半或止少兩月則已喜出望外

不圖徵發之神之至於斯也自是新歲兵食按月支



正敘亦生

也

給終。余署任無有遲者。方立法嚴比之初。諸葛差弊。竇驟塞。頗有愠言。復以拘到人民。不加刑責。糧完即釋安業。又逋賦止。問本人。雖父兄子弟。已分析異居。不許波累。葛差平日枝蔓牽連。妄拘索詐之術。至是俱無所施。其巧而笞杖刑法。與凡民一例。不得獨輕。久欲行。歷任時挾制。哄堂故智。而余始不為動也。忽一日完糧甚稀。余正在待給兵食。甚切。恐催征不前。有辜軍士之望。重杖嚴比。時更漏初下。猝聞亭外入奇事駭。眾中哄然一聲。差役擁擠向東角門走出。書吏稟請舊物。

退堂曰。嗚。差。散。矣。余曰。欲。上。東。山。耶。吏曰。大。抵。然。耳。

冷得妙

余曰。恐。城。門。已。閉。不。得。出。待。我。遣。人。赴。營。中。請。啓。鑰。

不。得。不。立。聽。

大。開。城。門。縱。之。去。衆。差。聞。余。語。怪。異。皆。跣。立。聳。聽。其。

去。者。亦。稍。潛。集。三。班。頭。役。二。十。餘。人。跪。下。稟。曰。我。

等。願。往。擒。之。余。曰。勿。擒。也。人。衆。至。二。三。百。汝。等。數。人。

反。欲。立。功。更。妙。

何。能。爲。且。衆。差。此。行。乃。我。明。日。立。功。之。會。何。攔。阻。哉。

先。正。罪。名。

昇。平。世。界。而。差。役。敢。于。散。堂。是。叛。也。其。所。以。叛。之。故。

縣。令。催。科。嚴。也。兵。食。孔。亟。催。科。不。嚴。則。縣。令。有。罪。既。

已。嚴。矣。則。無。罪。而。有。功。是。衆。差。之。叛。非。叛。縣。令。叛。

華○當○謀○矣○

朝廷也既為朝廷之叛民則縣令明日耀武揚威

率營兵民壯搗東山一鼓勦禽之定亂之勳與軍功

一體議叙其有逃匿在家必按籍搜捕窮治親鄰不

盡獲正法不止所慮崑岡炎火玉石無分不以此時

在此○此○非○人○所○及○也○

查點清白恐守法不散之差亦與叛人同罪枉累非

辜情所不忍汝等高聲傳令堂下差役願走者速走

不走者靜聽點名吏白作何點法余曰仍照糧簿喚

此○款○妙○

比不到者記名便可知是誰為叛矣各各甲以次

唱名完多者記賞完少者重杖至四鼓雞鳴而畢無

敢○有○一○名○不○到○者○余○笑○曰○汝○等○皆○在○誰○為○上○東○山○耶○

我○昔○在○軍○中○視○三○十○萬○賊○如○草○芥○况○東○山○一○卷○石○直○

豪○氣○未○除○○開○其○生○路○詩○其○自○新○

用○鞞○尖○踢○平○耳○暮○夜○不○知○尋○死○者○為○誰○我○亦○不○記○前○

小○怒○而○威○于○鉄○鐵○

逆○汝○等○自○今○以○後○各○深○自○愧○取○勉○為○守○法○奉○公○焉○可○

也○由○是○諸○役○皆○股○栗○紳○士○豪○強○輸○將○恐○後○是○以○兩○月○

之○閒○能○辦○五○營○半○載○以○上○之○兵○食○而○鎮○平○程○鄉○三○千○

穀○省○往○來○轉○運○之○勞○費○人○心○既○定○頑○梗○既○馴○役○贍○既○

後○來○者○造○化○

破○從○此○催○科○不○復○費○力○也○

五○營○軍○士○半○載○乏○食○乃○十○分○急○迫○之○時○勢○豪○大○猾○



百千梗法乃萬難措手之地民刁役恣真是無可  
奈何非有絕大本事未易言濟斯急迫也數行令  
下民心鼓舞減耗羨戢豪強治衙役開誠布公自  
然輸將恐後十日而見效兩月而成功豈倖致哉  
處置散堂一節鎮靜從容尤爲非常手段所謂不  
動聲色而措泰山者歟令君在都門時宰相卿貳  
以爲天下奇才於此可見一斑



三宄盜屍

丁未秋七月十有三日。余赴普寧尹。初學政也。甫月。餘有潮民王士毅者。以毒殺弟命來告。云從弟阿雄。隨母嫁普民陳天萬為妾。天萬嫡妻許氏。妬以藥鴆。

此着狠

阿雄致斃。十指勾曲。齒唇皆青。併具有誣告反坐甘結。蓋情詞似乎可信也。詰朝詣驗。空墳無屍。士毅利口喋喋。直指天萬懼傷。移滅天萬。舉家相顧駭愕。不能出一語。余澄心靜氣。鞫知阿雄病痢兩月。併喚當日醫家問訊。灼無可疑。熟視許氏腹大如牛。三四人

繪形為許氏開網

扶掖蹲踞則九年。蠱病含悲。悽惋亦非。復妬悍鳩毒。人也。遍問犯証十餘人。再四窮詰。皆莫知屍在何處。便先定案奇

度為王士毅所偷。因呼屍母林氏問阿雄。天殤之日。

士毅來否。曰邀之不來。復問次日來否。曰來不入我。

家。過其表姊宅。即去矣。問姊有夫男與否。曰有子。廖。引線

阿喜年可十五六。即喚阿喜來問。廿八日王士毅到。此問極細

汝家何事。曰遇諸塗。未入我室。問何所言。曰言阿雄。

死。今埋否。我對曰埋。士毅問埋在哪里。我對曰後邊。

嶺。即去矣。余拍案厲聲曰偷屍者王士毅也。夾訊之。定士毅案

果服供稱係催乞人乘夜竊發其塚持之去再詰其  
移匿何處及指使訟師姓名皆支吾不以實告恐有  
從旁窺伺者遂將王士毅決杖三十聲言旋邑枷示  
其陳天萬一家及鄉里牽連人等槩行釋去當場觀  
者數十人咸以爲果完結也水消霧散却仍不完結妙懽呼震天羅拜匝地旋  
輿不半里密呼壯役林才語之曰汝去衣帽先驅入  
邑城疾趨東門旅店問潮客王士毅投宿幾日寓何  
房舍舍中有一人縛便算定有二人奇以來果擒獲訟師王爵亭舉動  
從容若爲弗知也者謬言與王士毅素不相識士毅

亦不之顧。詞氣斬截。幾於無閒。可乘。度代書。認保之。善。每。証。據。  
處士毅不能獨行。密喚代書及保家。訊問俱稱此人  
同來。則有之。爵亭尚不承招。給紙筆令書供詞。則字  
蹟與原狀若合符節。因投三木。真情畢吐。供稱係老  
訟師陳偉度。指畫奇計。偷屍越邑。移埋滅水。都烏石  
寨外。其埋處當問偉度。卽士毅亦不能知也。因復遣  
役星飛訪緝。弋獲陳偉度。前來則老奸巨猾。較爵亭  
深沈十倍。至則切切鳴冤。言陳天萬乃我服弟。此二  
人全無良心。欲以假命陷弟于死。幸遇青天。燭奸如

有情有理

伎倆

快捷

定爵亭案



神今陷弟不得。又欲移陷其兄。非公龍圖再世。我兄

更。悽。惻。可。聽。

善。觀。

弟死。不瞑目矣。余心然其說。有矜釋之意。見雙眸閃

氣。色。

鑠似非善類。偶試之曰。好訟師也。汝所言有情有理。

娓娓動聽。若遇他人。百千亦釋。今不幸遇我。而汝又

從。容。得。妙。

知為龍圖再世。則不必復來相欺。逐一首實當從原

諒。偉度愕然。無以應。王爵亭指之曰。汝我三人在烏

石寨門樓中。商謀此舉。汝援揚令公盜骨故事。教我

籌。畫。周。到。

等偷屍越境。一則不憂檢驗無傷。二則隔屬不愁敗

露。三則被告者懼罪滅屍。似實陳天萬弟兄妻妾鄉



保里鄰皆當以次受刑。夾糝糜爛。四則屍骸不出。問  
官亦無了局。我等于快心逞志之後。開門納賂。聽其  
和息。莫敢不從。致富成家。在此一舉。五則和息之後。  
仍勿言其所以。然阿雄屍終久不出。我等亦無後患。  
迨偷屍更埋之後。三人懽欣痛飲。共稱奇計。謂神不  
知鬼不覺。雖包龍圖復生。不能審出情偽。今日之事。  
尚有何言說哉。既遇龍圖。奈何猶不實供。獨使我二  
人受罪也。偉度尚嘵嘵不服。余復試之曰。汝雖無同  
謀。却踪跡不謹。王爵亭王士毅。既爲汝弟仇人。汝奈

何。在。東。門。旅。店。與。之。共。坐。飲。食。偉。度。出。不。意。遽。答。曰。  
偶。然。耳。余。曰。一。飯。偶。然。連。日。共。飯。亦。偶。然。乎。偉。度。曰。  
普。邑。無。多。飯。店。不。得。不。爾。余。曰。汝。等。連。日。旅。店。商。量。  
吾。已。知。之。若。果。仇。人。相。遇。安。有。許。多。言。說。偉。度。漫。供。  
因。爵。亭。等。誣。害。吾。弟。我。故。以。好。言。勸。之。耳。余。復。試。之。  
曰。汝。夜。閒。與。之。同。宿。何。也。偉。度。曰。無。之。因。復。密。訊。王。  
爵。亭。窮。詰。其。夜。閒。止。宿。之。處。房。室。被。帳。器。皿。位。置。情。  
形。則。又。在。城。中。林。泰。家。先。後。呼。到。林。泰。父。子。隔。別。研。  
訊。則。偉。度。爵。亭。在。渠。家。同。宿。三。夜。絲。毫。不。差。其。為。同。

此。着。又。珠。

總。案。

謀主使無疑爰行夾訊偉度始供與天萬因祖屋變  
 價有睚眦之仇藉此播害洩忿是實其阿雄屍埋在  
 烏石寨外下溪尾深三四尺上斫一樹半截為記隨  
 將偉度羈禁差役管押王爵亭前至其地一面關知  
 潮陽令一面移檄塘邊汛弁以兵同往如言掘地四  
 尺起出蒲席包則阿雄屍在焉昇回普邑俾林氏陳  
 天萬認明非偽令作檢驗渾身上下俱無他故王  
 士毅低首無言陳天萬見偉度而泣曰吾兄何為至  
 於此吾與兄一本之親無大仇怨即曩因祖業微嫌

叙族誼妙

留一記妙

兄言欲害我破家蕩產不得留一鋤存活吾以兄爲  
戲耳不意兄果有此事非兄今日自言吾亦不知禍  
從何起也今者吾事已白兄自苦奈何偉度嘆曰我  
俯伏之悞也不必言矣或勸余將此案通詳則官聲大震  
余曰普邑當連年荒歉之後吾涖茲月餘地方未有  
起色三宄之罪固不容誅通詳解省牽累多人吾不  
忍沽一已之名使民受解累之苦也因將王士毅王  
爵亭陳偉度各予滿杖製木牌一方大書其事命鄉  
民傳擊偕行枷號四鄉周遊示衆普人快之



爵亭謀淺偉度計深盜骨之策原自不差當具結  
哀鳴屍場喋喋若將天萬舉家刑夾不得謂官之  
枉也即使日久昭雪而目前之苦楚已不堪問矣  
於此見邑令之不易爲

余曰普邑當縣平故據之於吾故蓋長給血衣而  
之則世不必言矣與短傳余以此案雖暫假軍管大  
其所以也今昔吾事日白且自苦奈何對與與曰亦  
趨耳不意果有此事非且今日自言吾亦不  
及言若害非知案蓋不野理一惟請請吾以民爲



邪教惑民

教風俗之壞

潮俗尚鬼好言神言佛士大夫以大顛爲祖師而世家閨閣結羣入廟燒香拜佛不絕于途於是邪誕妖妄之說競起而所謂後天教者行焉後天一教不知其所自來始於詹與參周阿五自言得白鬚仙公之傳經前任王令訪拿挈家逃匿後復還故土亦稱白蓮亦稱白楊教主大抵係白蓮教是實而變幻其名提○出○正○犯○爾妙貴仙姑卽詹與參妻林氏也詭言能呼風喚雨役鬼驅神爲後天教主其姦夫胡阿秋輔之自號筆

峯仙公相與書符呪水爲人治病求嗣又能使寡婦

夜會其夫潮人篤信其術舉國若狂男女數百輩皆

拜以爲師澄海揭陽海陽惠來海豐之人無不自遠

跋涉舉贄奉東牲酒香花叩其門稱弟子者如市丁

未仲冬十日余自郡旋署始知之則已建廣廈於邑

之北關大開教堂會衆數百召梨園子弟鼓歌宴慶

兩日矣急遣吏捕之則隸役皆畏得罪神仙恐陰兵

攝已而勢豪官屬又從而左祖庇護乘風兔脫竟不

能勾獲一人余乃親造其居排其闥擒妙貴仙姑窮

流。考。無。繼。

習。俗。之。沉。溺。一。至。于。此。

究黨與則卧房之中重重閉隔小巷密室屈曲玲瓏  
白晝持火炬以入人對面相撞遇側身一轉則不知  
其所之亶藏奸之藪也余不敢憚煩直窮底裏於仙  
拔恨斬株妖狐至此術無所施矣  
姑卧榻之上暗閣幽密之中擒獲姚阿三楊光勤彭  
士章等十餘人復於仙公卧房樓上搜出娥女娘娘  
木印妖經悶香髮髻衣飾等物尚不知其何爲者余  
追捕仙公益力勢豪知不可解因出胡阿秋赴訊庭  
鞫之下神奇百出其實無他技能惟恃悶香衣飾迷  
人耳目而已蓋愚夫愚婦聞神仙之名先已惶悚懾

服又見妙貴女流無所顧畏而阿秋髮髻脂粉衣裙

翩翩亦且左右仙姑共作妖狐娥嬭遂以為真娥女

娘娘不復疑其為男子也迨入卧房登邃閣拜彌勒

佛誦寶花經呪燃起悶香則在座者皆昏迷睡倒恣

死有餘辜

所欲為其悶香亦名迷魂香聞之則困倦欲卧有頃

書符飲以冷水則迷者復醒所謂求嗣見夫皆得之

真堪切齒

夢魂恟恍之際按其滔天孽惡雖懸首藁街猶不足

以洗山川之恨因念歲歉之後鄉民以解累為憂且

黨與多人必至世家大族牽連無已余體恤民情為



息事寧人之計凡所供拔中毒姓名一盡燒滅免究

將林妙貴胡阿秋滿杖大枷出之大門之外聽萬民

嚼齒唾罵裂膚碎首並歸仙籍其縱妻淫孽之詹與

參及同惡姚阿三等十餘徒分別枷杖劓懲餘黨一

槩不問使皆革面爲人焉足矣籍其屋於官毀奸竇

更門牆爲棉陽書院崇祀濂洛關閩五先生洗穢濁

而清明余亦於朔望暇日與闔邑人士講學會文其

際出文會張陂租穀百餘石爲春秋丁祭師生膏火

之資正學盛異端息人心風俗蒸然一變鎮帥尚公

邪說除而正學興風化大振



大中丞楊公聞之再三嘉嘆且曰此教不除害不在  
容。混。沒。小通詳正法厥功爲大今除民之害不忍沽一己之  
名使繚綫遍及于鄰封深夜中篝自經溝瀆則保全  
人名節多矣善夫

仙姑之除大夢初醒一時謳頌之聲徧徹重洋而  
邑令軫念民風憂悶累日不忍玷他人名節以廣  
一己聲譽令君不言功誰爲令君代言者君子哉

幽魂對質

禍根

延長埔上塘子等鄉共築陂障水輪流以灌溉其田  
八九月之閒旱江羅兩家恃強眾奈規約不顧朔日

惹禍

為楊家水期恣意桔槔奄所有而踞之楊仙友不服  
操刀向阻弟兄楊文煥楊世香隨之羅明珠奔回告

禍首

其鄉老江立清號名鄉眾江子千江宗桂羅達士羅

俊之江阿明江阿祖江阿滿江阿尾江獻瑞等四五

鋒不可當

十人荷戈制挺環而攻之楊學文見父叔在圍困之

大戰

中亦招呼三十餘人與之格鬪眾寡不敵仙友殲焉

文煥等紛紛逃竄。世香受重傷，不能自脫，被擒入寨。  
內誇示豪雄，實以醫藥調劑，恐其死也。是時署潮令  
者為大埔尹白公，驗傷通報未訊而歿。冬十月十有  
八日，余攝篆視事。庭鞠再三，莫肯居兇手者。詞證江  
拱山、謝文卿，以格鬪人多，刀挺交下，實不知為誰。詢  
之未死之楊世香，亦僅知傷已者為羅俊之、江阿尾。  
江獻瑞而致斃，楊仙友之元兇亦不能知其為誰也。  
將江羅兩姓人犯，隔別細詢，撫之以寬，餽之以情，示  
之以威，加之。以三木鉤距畢，施刑法用盡，總以不知

二字抵塞無一人一言之稍有罅漏者余於是亦無

可如何也居數日陰晦淒風慘淡漏下人寂余張燈

坐琴堂呼兩造齊集謂之曰殺人償命古今不易汝

等清夜自思設汝被人殺死而人不償汝命汝為冤

魂能甘心乎汝等所希冀微幸不肯招承者以無人

指質耳我已牒城隍尊神約于今夜二更提出楊仙

友鬼魂與汝質對汝等雖有百喙亦難以掩飾矣命

隸役分攝諸人隨詣城隍廟鳴鐘鼓焚香再拜起坐

堂皇先呼楊仙友鬼魂上堂聽審憑空略問數語謂

實情實理所以動其良心

果王

冤家對

堂上呼堂下廳落



階下諸人曰楊仙友在此欲與汝等對質汝等舉頭

在此儼然冤鬼出現

觀之此以手捧心血染紅衣者是已衆人或昂首而

二人已

觀或以目竊睨惟羅明珠江子千江立清三人低頭

不心打自招矣

不視若爲弗聞也者余卽呼羅明珠至正言曰仙友

實在此可怕

在此欲汝還其一命汝尚何推諉哉明珠駭顫良久

不能答余曰汝平日利口狡賴今仙友冤魂在茲汝

則不敢置喙其爲汝殺死無疑若不實言當刑訊明

供詞爽快併露出元兇來

珠服曰吾挺擊其顛傷在偏左仙友之死由鋒刀乃

江子千與吾無涉也繼呼江子千至問之子千不承

江子千與吾無涉也繼呼江子千至問之子千不承

余曰汝自與楊仙友辯論子千熟視不語余曰汝不

開得妙 代鬼口 供情形 宛肖 卽令楊仙友自口不

見冤魂乎魂言羅明珠執木棍傷其額顱之左汝持

遇如此 江子千安得不服

長刀刺其胸膛僵于地汝拔刃血隨之湧出當日情

形如此汝尚何容辯哉子千曰是也余曰仙友之死

由汝二人魂所言無枉乎曰無枉矣余曰當日號召

多人指麾令殺者爲誰曰江立清也遣役將子千明

珠入廟中暗處呼江拱山謂之曰楊仙友怪汝汝明

使人莫測

知殺彼之仇不以實告欲沈其冤今與汝爲難汝受

實在可怪

賄幾何卽以汝償其命矣拱山叩頭曰殺人者江子

推卸絲毫不可

賄幾何卽以汝償其命矣拱山叩頭曰殺人者江子

賄幾何卽以汝償其命矣拱山叩頭曰殺人者江子

賄幾何卽以汝償其命矣拱山叩頭曰殺人者江子

千羅明珠主令者江立清奈何以無干之人償其命  
差。可。謂。指。証。的。確。  
乎繼呼江宗桂羅達士江阿明江阿祖江阿滿細加  
詢問皆如拱山等所言江立清恃其老也刑法不能  
加鬼神不能嚇堅諉不知詰問良久終不承余見其  
病甚度不久奄人世乃謂曰衆證明確卽同獄成仙  
友言禍由立清終不肯使活將奪其魄十道卽將江  
子千江立清諸人按律定擬解赴大吏甫三日而立  
清卒潮人遂以爲真有鬼神也  
兩。言。嚇。死。亦。見。天。網。不。漏。  
不。可。謂。無。

疑獄難決之處不得不用權術試思此案若非寬

魂對質何能使兇手伏辜卽將數十人盡加刑夾  
愈夾愈不得情如何定讞妙在晦夕凄風乃冤鬼  
出來之時城隍攝鬼又是衆人所信許多排場森  
森凜凜令人毛髮悚豎而神機妙用全在舉頭一  
觀蓋罪人心虛自然與衆不同也此竅旣得便可  
迎刃而解曲折詳慎無枉無縱命君直是包閻羅





葫蘆地

潮俗多無賴以攘奪穿窬為常經使之閒居寂處則

其習也

不能以終日余初涖普時民之攘竊者百餘人緝治

懲勸逾月肅清冬十月攝篆棉陽棉之攘奪於途者

以百計穿窬者以千計行人當中午持挺結羣而趨

妻慘

日未晡則路絕人行余怒焉擒其積惡盈貫者斃之

窮兇極狠者刑之雖甚劇而可化者懲而釋之使立

功自贖竊果蔬薯芋雖微必杖或抗法逃藏不獲不

其根苗未盡也

已賊知余之為彼難也甫及月餘亦羣然斂跡道路

肅清民以無賊為賀余曰噫未也暫戢耳又旬日而  
惠來海豐之人皆怪余驅賊入其疆棉之文武寅僚  
亦以為賀余曰噫未也惠豐自有土著安能納盡垢  
污恐其無所之者尚眾也其潛踪也為畏死其寂處  
也防○患○甚○悉○不能安將無有入海之意乎或曰子知海務者二

三月出巡八九月旋師今豈盜賊下海時哉余曰嶺

南氣候不定今雖冬臘日暖風和何可忽也因○地○制○宜○洞○燭○情○事○因密約

海門達濠及潮陽三營將弁並行訪緝越數日果有

偵者來報云匪類潛謀糾眾集械將出海其窩頓在

百二下里之外。兩邑交界。鐵山之麓。土名葫蘆地。有  
砲火巨械。埋在方老七園中。長鎗大刀。藤牌俱藏。寮  
閒草深處。約以臘月十二夜二鼓會集起行。直趨  
海岸奪舟而出。時十一夜二鼓矣。海門營遣千總陳  
廷耀與余密商議。以舟師夜抵石港。登岸埋伏石埠  
潭山閒。待其來掩擊之。而疑其未善。余曰噫然哉。師  
行百里不無人知。風聲偶漏。將屬徒勞。即使幸爾相  
遇。不與官兵敵殺。則必棄械而奔。暮夜之閒。難為追  
緝。不若乘其未發。先入虎穴。以官拘犯。如縛雞豚。止

通盤打算不備罅隙

危急



用兩三人力耳。陳曰：賊徒已多，豈兩三人所能辦。余曰：此閒三人足矣。至彼則我衆自多。陳君會意曰：善。遂辭而去。留百總翁喬聽。余調遣余張燈草檄使晉已在掌握中矣。役陳拱潮、役林標、偕百總翁喬乘夜馳赴普邑檄署典史張天佑統率壯丁五十名、馬快健役五十名。以定謀而動鋒莫當百不失一初更直抵葫蘆地圍搜捕擒果在老七茅寮中擒獲謝阿、皆黃阿、五高阿、萬沈阿、石方阿、球等五人。卽於寮間搜出鋼叉、挑刀、鈎、鑷、鎗、竹篙、鎗、藤牌二十八面。桿又於園中起出大砲四位、神威砲一位。又於老七

宅內搜出子母炮鐵鎗牌刀斬馬刀鑲刀鐵鈎五十  
六把握火藥二桶鉛子一筐火繩火絨紅布雜物不  
計其數復擒獲林阿元及老七老七者方阿條也素  
不軌好結納匪類世居普邑葫蘆地鄉與揭陽民黃  
阿振潮陽民楊阿邦陳阿祿皆蹠徒相善往來密洽  
以余治盜嚴肅無逞志之區乃於十月朔日在棉湖  
寨沙垠中偶語米貴乏食阿條遂起意商謀下海劫  
掠商船自以家居山僻園寮茅舍可爲往來駐足總  
滙購置軍械米糧以爲行資阿振阿邦阿祿各逞已

難怪具出

六力鎖住即起下

能分途招夥擬以是夜在大壩墟會齊由錢灣奪舟  
出海自謂神出鬼沒無人覺知可以乘風揚帆橫行  
島嶼劫商船屠賈客銀錢貨物堆積如山致富成家  
在此一舉而豈知天道不容有乘其不發而張網羅  
以掩捕之者也據供黨羽多人就其確然有據者復  
擒獲王建千歐阿利梁阿義及代製砲械之鐵匠劉  
阿捷等續獲邢阿鳳朱阿永鄭阿禽林阿齊梁阿千  
及與阿條爲首之黃阿振楊阿邦共一十八人按律  
懲治惟陳阿祿以自首從寬其餘情罪未著者槩免

無一免者

無一漏者

株連許以改過自新不追既往自是山陬石罅海澨  
遊魂無不聞風喪膽潛踪遠遁莫敢有復萌攘竊多  
事之想者潮普兩邑肅然矣

此令君小試之端也然倉卒張燈嚴密從容算無  
遺策此豈他人所能辦耶聞令君赴會城有呼爲  
王文成者有呼爲王景略者有呼爲諸葛公者令  
君未嘗自鳴得意諸凡奇案恐拖累窮民多未經  
詳達惟此事文武申報亦輕輕完結仁人君子之  
用心不可及也





沒字詞

余方理堂事見儀門之外有少婦扶老嫗長跪其間

手展一楮戴頭上遣隸役呼而進之曰若告狀宜造

堂前何踞之遠也命吏人接受之吏復曰素楮耳余

曰婦人不知狀式素楮亦不妨吏曰沒字也惟空楮

而已余曰亦收之展視果然召而問之曰若有冤欲

白當據事直書何取空楮來也婦人曰不識字又短

于財代書者為李阿梅所阻莫我肯代余即將其楮

命吏書之吏曰不知也余曰書供詞則老嫗鄭氏年

便見與民相親景象

平易近人

大奇

爽快

點出。二。人。履。歷。筆。法。懸。老。

八十六矣。少婦姓劉。鄭之寡媳也。鄭言亡兒李阿梓。

鄭氏供詞

去年十二月初八日。為李阿梅逼殺將鳴之官阿梅。

懇族中生監李晨。李尚。家長李童叔等。勸我無訟。為。

我斂埋。貽我住屋。養我老幼。今阿梅不存良心。逼我。

徙宅。收我瓦桷。絕我糧食。餐風宿露。不知命在何時。

我是以來告也。余曰。人命至重。汝不應私和。且自去。

冬。以及今秋。已經九閱月矣。告何為者。劉氏曰。阿梅。

劉氏供詞

欺凌孤寡。實以夫亡隔歲。無控告人命之理。故敢於。

負約耳。我等亦知夫死已久。當日原係威迫服毒。不。

負約耳。我等亦知夫死已久。當日原係威迫服毒。不。

控抵償。豈今者敢有他望。但毀屋絕糧。情實難堪。而

肉食家長處處皆然

愬之族。長生監互相推諉。視若秦越。姑年風燭。兒在

襁褓。天不憐救死無地矣。問阿梅家在何處。劉氏曰

疾快

在崑安寨。離城不遠。余曰。汝婦姑少待。卽飛籤遣役

迅速

拘李阿梅對質。有頃。阿梅至。訊之。阿梅狡賴曰。無也。

李阿梅供詞

我與阿梓有服之親。去歲阿梓不幸病死。我憐其母

儼然義人也

老子幼。常周恤之。今災餘米珠。青黃不接。我自救尚

且不贍。豈能復顧他人。鄭氏劉氏再三爭辯。阿梅固

亦似可聽

不承。且言婦人無厭。義舉原非可以常繼之事。我妻



兒現在苦饑何況于汝問以逼死李阿梓及李晨李

尚私和貽屋養老諸事阿梅曰此風影俱無者不過

欲求助升斗悞聽訟師造此聳誑李晨李尚李童叔

可以喚質余亦心疑其果無有也但以鄭氏婦姑不

類狙詐之人而阿梅目動言肆似非誠實試之曰阿

梅膽大敢于我前弄巧我聽人兩語即已洞見心肝

豈汝利口所能欺誰汝以我初蒞任可以相欺欲試

我三尺法乎有罪首實雖重譴亦可姑寬汝不以實

情告我我喚李晨李尚李童叔與汝質對水落石出

明以察言又要觀色

○當○頭○露○盡○竟○似○驥○見○心○肝○雖○有○老○奸○巨○滑○一○時○亦○抱○架○不○來○

○最○怕○喚○質○偏○請○喚○

○撇○得○老○辣○

先責汝欺誑四十板然後按情治罪汝試思之阿梅

服得亦爽快

服曰是也阿梓乃我從兄之子因去年十二月向我

索找田價我不依彼一時短見服毒圖賴族中李晨

李尚諸人勸我代為殯斂我曾給鄭氏銀十二兩又

將舊日十五兩借券亦取還之並無許其養老之事

鄭氏曰原約兩間房屋永為棲身今拆去瓦桷置我

婦姑于何地且公議贍養一年今尚少四月李阿梅

遂昧良心乎阿梅曰屋瓦係風災吹毀我暫收存今

仍去蓋好還鄭氏婦姑居住月給與食米一石至臘

月以後則不干我事矣。鄭氏劉氏皆曰：可。余曰：李阿梅應加刑責，以儆無良。懲欺誑姑，念片言一折，輒自服辜。據實輸情，如約補過，此亦非甚頑梗，不可化之民也。從寬令其脩屋給米，免行笞杖，以全親親之誼。俱各和好如初。鄭氏劉氏皆大悅。李阿梅亦歡欣叩首，轉身吐舌而去。

沒字之紙亦可告狀，些微之冤亦為伸理。隨准隨拘，隨到隨訊，隨結總不過頃刻閒耳。如此爽快境

內那有冤民

龍湫埔奇貨

古筆

龍湫埔溪畔泥窟之中有死屍焉莫知其所自來適  
有好事者造其鄉偵爲竊賊王元吉因謀賊弟王煌  
立以爲奇貨可居藉嚇白墓洋楊姓久之無所獲以  
活殺賺和來告披閱之下覺多可疑煌立情詞激切  
當堂具結請驗時十一月十二日漏下二鼓也余堂  
事畢呼煌立至內署察其言貌似樸拙爲人所愚問  
誰主使不以實告度鄉民爲命案入邑必有約保左  
右其間因畱煌立他室密遣人至其寓處出袖中飛

得。數。

伏。一。筆。



籤立喚同來之貴山都約保果有保不差許元貴在焉  
 元貴大驚以為事已敗露諉卸訟師李阿柳即籤拘  
 李阿柳據差役鄭伯陳拱稟稱李阿柳係普邑革退  
 工房書吏須黎明往普提訊余曰不然仍在王煌立  
 寓中急掩捕之有頃阿柳至自稱今日死矣乞免刑  
 當吐實余曰善阿柳欲言不言似有瞻顧狀余恐書  
 役中有與同謀者授楮筆使書之阿柳知不可欺即  
 據實直書商謀嚇詐情事而訟師蕭邦棉普棍張阿  
 東及案前經承刑書鄭阿二皆與焉即令鄭阿二跪

真快得好  
妙算不漏

下對質。飛籤拘出蕭邦棉。張阿束。皆頃刻而至。鞠訊情由。緣李阿柳在普多事。避罪入潮。與蕭邦棉投契。邦棉往龍湫鄉收租。携與俱有案賊曹阿左。至寓齋言窟中屍乃王元吉。數日前曾與楊如傑角口。白墓洋楊姓。頗富饒。藉此詐財。甚不費力。邦棉遂使阿左招來屍弟王煌。立煌立難之。以家貧乏費為詞。邦棉偏俠氣即給煌立錢二百。阿柳代書投詞。將楊鳴高。楊如傑等十多人。羅織詞內。又使阿左往邀許元貴。元貴賈詞至白墓洋。稱煌立欲赴縣控。為蕭邦棉。李阿柳所

留事可和息。須費銀八十兩。而是時刑書鄭阿二亦。  
以收租至白墓洋。從中議價。徧向楊家嚇索。諸楊不。  
依。煌立元貴。因偽爲入邑。至貴嶼。邦棉阿柳。又偽爲。  
留回。越兩日。會余旋普。因又偽赴普邑。宿林惠山。張。  
阿束之家。阿束又爲講和。與鄭阿二李阿柳等。極力。  
嚇索。自八十兩降而四十二。以及十兩。而楊如傑。  
之母吳氏。終以並無毆打王元吉事情。且係貧寡。無。  
可指應。遂出而以藉屍勒酷具控。而王煌立亦有活。  
殺賺和之鳴。則此案之興實由此。一班訟師。究棍奸。  
○定○案○

保。靈。書。傍。風。生。事。所。為。乃。漏。下。尚。未。四。鼓。而。網。羅。盡。  
皆。弋。獲。所。謂。恢。恢。不。漏。者。乎。但。王。元。吉。作。何。身。死。之。  
處。尚。未。明。晰。次。日。詣。驗。重。傷。徧。體。且。腰。閒。竹。篾。二。條。  
確。係。他。處。移。來。者。當。場。訊。問。皆。莫。能。知。心。疑。此。偷。兒。  
被。殺。行。徑。曹。阿。左。案。賊。必。知。之。而。阿。左。不。到。因。呼。許。  
元。貢。謂。曰。人。命。至。重。今。屍。在。曠。野。未。知。兇。手。為。誰。但。  
案。內。有。名。臨。審。不。到。者。卽。是。矣。曹。阿。左。不。到。必。係。真。  
兇。汝。星。夜。拘。出。赴。訊。如。賄。縱。不。出。則。汝。代。抵。償。焉。薄。  
暮。旋。輿。過。石。埠。潭。鄉。鄉。老。幼。數。十。人。羅。拜。于。道。問。何。

出。許。多。妙。

一。疑。引。



為者皆曰我等篤實農民非有他事因鄉居孱弱十

數年為賊所苦幸公涖止始安生業今田稻得收固

蔬無恙故喜而來迎公欲見公一面耳東薪為炬以

送行余一一慰勞之且曰汝等皆安居樂業守法奉

公尊遊。虞。夏。君親上則我受賜多矣明月在天蟲沙畢照

此炬可以不勞者老子弟皆夾道而趨辭之不去中

有一老者將傾跌余遣人扶掖請回老者昂首言曰

吾年六十九未嘗見此好官今宵雖跌死亦快活也

余因令與夫徐行從容問所疾苦則搖首曰今無矣

民情可見做好官只賺得此耳

高風景妙令人神

就一老者生出無數波瀾

問鄉間尚有穿窬否。則曰吾鄉無有。前途十數鄉亦

耿直妙

無有。惟龍湫埔未盡絕。我不敢言。余曰。吁。無害老人

乃附耳言彼處惡賊五人竊劫無忌。今已死其一。即

所驗之屍是已。餘四人曹阿左鍾阿表黃近啓羅阿

錢皆飛天手段難捕之賊也。余心識之。越兩日許元

快。捷。

貴果獲曹阿左。以來將夾訊阿左奮然吐實。侃侃而

老人之言俱驗

談。供稱與王元吉鍾阿表羅阿錢黃阿瑞共以竊奪

為生。十月廿二夜欲作穿窬。因無所獲。適楊如傑之

弟楊阿印獨宿園寮。看守地瓜。元吉潛入其寮。偷所

蓋綿被爲阿印所覺呼其名詈之元吉欺印年幼搶奪而去售與黃奕隆得錢八十文阿印歸訴其兄而如傑病起疋羸亦末如之何也元吉又於二十四夜偕阿左等四人同至鄭厝寮行竊復爲事主覺喊鄉人齊出捉賊棍棒交加拒捕逃脫阿左阿表等四人皆壯盛先奔獨元吉餓悴行遲受傷特重一托出以黃麻布褲纏裹頭顱鮮血送透二十五日遇阿印如傑于鬼墓祭途中阿印恃有兄同行向元吉索被互相爭角當爲鄉衆勸息途之人所共知也乃元吉夜宿于黃

奕隆瓦窰內數日殞身奕隆恐有干連偕其弟奕茂

及黃阿瑞等將屍移置曠野埔窰中而元吉叔父亦

知而不問蓋以其身為匪類不足矜憐恐控出真情

反為門戶之辱也因拘到鍾阿表羅阿錢黃阿瑞俱

供元吉夥盜及鄭厝寮拒捕受傷是實黃奕隆繳出

所買贓被亦與阿左阿表等供招相符而黃阿瑞即

係黃近啓蓋石埠潭老人所屈指而數羣盜盡入網

羅亦無一疎漏云擬欲通詳律究因念荒歉之後解

累艱難將蕭邦棉李阿柳鄭阿二張阿束許元貴及

賢○哉○叔○也○所○見○極○是○

頓○

照○應○成○文○跌○宕○入○古○



案賊曹阿左鍾阿表黃近啓羅阿錢買贓移屍之黃  
奕隆聽唆誣告之王煌立分別杖責枷刺各蔽厥辜  
自是潮邑訟師土棍衙蠹猾保姦宄盜賊皆人人震  
恐地方大治

公庭雪霽鬼魅現形狐梟破膽無訟之化可坐而  
致也明月在天老人昂首相見一時家人父子脈  
脈相關使人神往于其際

死丐得妻子

有鄭侯秩之妻陳氏以迫死夫命來告云其夫充南  
薰坊保正因蕭邦武匿契抗稅恨夫較論于十一月  
十三日統率兇徒蕭阿興李獻章蔡士顯莊開明等  
擁家抄殺將夫叢毆垂斃無地逃生投河而死現今  
屍在峽山都大坛溝邊一見便疑妙余心疑之然不得不為驗訊  
也其子鄭阿伯果駕船載屍以來立往相驗雖遍體  
並無他傷而指甲泥沙實為投河確據又疑妙然竊疑蕭邦  
武等五家皆貿易樸民無無故叢毆一人之理且侯

龍州公案卷之二

卷之二

秩身充保正而邦武等五家連連被竊在前令魏君  
任內各控就保究盜則有之余下車卽爲比緝刻日  
追賊亦無至今始共毆迫下水之理兼殘屍口頰無  
存無從辯別真僞而自十三日被毆下水何無一人  
知覺至今始來控告卽使十三日溺死距今廿一日  
相驗未滿旬日何以屍首腐爛竟似半月有餘亦不  
應若是之速窮詰其僞阿伯不服稱屍在水浸速朽  
爲宜再問邦武等五人皆不能自爲置辯而陳氏阿  
伯利口喋喋披麻執杖子哭其父妻哭其夫一時哀

痛慘苦之情形幾令旁觀鐵石亦爲墮淚然余心終到底不信。信。不着緊妙。

不以爲然也勒令阿伯母子自行備棺收殮衆皆駭

愕余呼邦武等五人謂之曰侯秩未死汝等不能弋

獲乎皆曰不知也余曰汝同鄉共井何事不可訪知

乃如此憚煩置身局外殊可怪也他人致辯認真得妙事可諉爲不

知今身爲兇犯禍及切膚應羈獄詳候抵償汝五人

皆自甘償命乎五人胥涕泣求救余曰無益也侯秩

平昔縱盜殃民今見我來畏法逃遁耳度汝等潮民

逋逃之藪不外惠來海豐甲子所東海濬碣石而已



汝五人分途躡緝無不獲者越三日蕭邦武果在惠  
來縣地方活捉鄭侯秩以來百姓環庭聚觀者數千  
人皆拊掌大笑陳氏阿伯哭者亦應自笑含羞伏地叩頭請死因究  
出造謀指使之訟師陳阿辰並拘坐罪潮人快之至  
其屍所由來則係久渴餓丐招尋無主然既有偽子  
假妻爲之披麻執杖殯殮成禮則此丐亦可含笑九  
原云

妙在民忙官閒一場熱鬧忽然冰冷哭者自哭笑  
者自笑羞者自羞白日青天何處可以遁影耶

賊輕再醮人

余既兼潮篆。車塵僕僕兩邑閒。一日過郡門。見數牧

童在河畔。偶語中一童曰。橫逆哉。剝婦人至赤身可

殺也。又一童曰。新婚遇此。慘甚矣。以與夫。敝袴為新

婦。嬌裝當日。如何下車。如何入室。恐是夜合。蚤乃夫

不能無疑也。又一童曰。疑亦將如之何。乃夫尚畏懼

不敢控告。奚怪彼裊裊者哉。余聞大駭。停車詢之。諸

童皆笑而走。命牽一童。臂以來。乃言。洋烏黃隴。與惠

邑交界之區。惡賊十數輩。橫行無憚。此月二十日。要

情。趨。宛。然。

定。元。

行嫁者于途拉新人出自輿中摩頂放踵皆剝奪以  
去乞畱一下衣蔽體亦不從且環而睇審其不可名  
言之處及賊去輿夫憐之解敝袴與之周身余曰噫  
而言過矣行嫁則迎親多人豈能袖手旁觀多人則  
衣衫可讓何至用輿夫敝袴且爲之夫者又肯默不  
告官無是理也牧童曰貧家無多人親迎告官不能  
致之死非徒無益且反禍焉彼窮兇極惡之流賊殺  
人放火靡不敢爲誰復以身試虎口耶問娶妻者姓  
名曰不知問諸賊各何姓名曰尤不知也余心識之

歸而遣人密訪未能得其詳先是十八日余方抵潮

署事十九日黎明有以白晝搶劫來告者陳日耀陳

陳林供

日光林嘉昇云于是月望日在雙山遇賊十餘刀挺

交下三人皆仆地裂顱割足銅錢衣被劫奪一空熟

識三賊鄭阿載鄭阿惜劉阿訟皆滔天極惡無人不

高○出○惡○賊○好○利○害○

知無人敢告無人能捕之賊也時以公未蒞任果明

縣尉驗傷今未平復余笑曰既無人能捕何告為日

○凄○慘○可○憐○固○

耀等泣曰某言其平日耳幸公蒞止可仍聽道路荆

○知○前○言○識○之○耳○

棘貿易不得安生乎余飛差星夜往緝遂于二十一



日○弋○獲○劉○阿○訟○以○來○名○日○耀○等○三○人○與○之○對○質○阿○訟○

昂○然○曰○是○也○奪○其○錢○六○千○衣○衫○裘○被○之○類○凡○有○七○尚○

存○蔡○阿○繼○家○中○未○分○散○問○同○黨○幾○人○曰○鄭○阿○載○鄭○阿○

惜○蔡○阿○繼○張○阿○祿○莊○阿○汎○廖○開○揚○馬○克○道○與○我○共○八○

人○耳○問○汝○等○諸○人○聚○居○何○所○曰○我○輩○皆○不○敢○回○家○在○

山○中○閃○鑠○往○來○草○棲○巖○宿○惟○蔡○阿○繼○廖○開○揚○二○人○在○

家○窩○接○物○件○問○平○日○行○劫○幾○處○曰○多○矣○難○記○憶○也○問○

下○海○劫○船○與○否○曰○此○則○無○之○因○設○法○購○緝○復○于○二十○

六○日○擒○獲○鄭○阿○載○鄭○阿○惜○張○阿○祿○莊○阿○汎○蔡○阿○繼○廖○

○怪○迅○雷○不○及○梅○耳○是○以○一○刺○打○盡○

○神○速○之○

開揚以來皆不待刑訊與劉阿訟所言若合符節余  
見鄭阿載阿惜尤奇兇心惡之問平素劫奪幾何亦  
云久而忘記止近此數日內言之歷歷則雙山行嫁  
一婦人預焉問所劫婦人何賍阿載言貧人無他長  
物止銀簪耳環戒指衣裙寥寥數件而已問同劫幾  
人是誰下手曰同劫仍此八人下手加功則我與阿  
惜阿訟馬克道四人耳問行嫁則迎親多人汝等敢  
突出橫劫非百十人不可言八人四人者妄也命夾  
之則大呼曰再醮之婦耳焉有許多人迎之我等實

罪人斯得

一語刺奪

止八人今日諸事皆直言不諱獨何為以此相欺今  
 卽言百人千人亦不過一死而已寧能于死之外別  
 加我罪乎余拍案數之曰汝等不為善良甘心作賊  
 昇平世界白日行劫得財傷人罪當死一也男女授  
 受不親奈何橫加剝辱且不顧新婚使人夫婦一生  
 抱痛罪當死二也汝剝奪新婦一絲不畱且分持其  
 體而聚觀如此辱人乃天地鬼神所共痛憤之事罪  
 不容以不死三也阿載阿惜皆曰我等作賊為貧所  
 驅劫害多人死亦無怨至於剝辱乃再醮之婦何新

說得再醮婦不值

牛。文。錄。

好。利。害。

婚之足云彼自家不存羞恥則其體亦盡人可觀未

刀。夫。開。之。亦。無。

必衣服去留之遂為關係也彼其丈夫尚不敢出來

詞。以。對。

抹。煞。妙。

控告則此事亦可不深求矣余笑曰噫婦人之不

所。謂。餓。死。事。小。失。節。事。大。也。

可再醮也如是夫雖盜賊猶將輕之況讀書明理言

節義者乎此事亦姑置勿論但積兇行劫已多法不

可活就剝殺陳日耀等一案治罪有餘惟是通詳每

多漏網而無辜牽累餓殍途中殊堪憫惻俟枷號滿

日再議可也即令廖開揚起出銅錢衣衫裘被等物

付陳日耀陳日光林嘉昇當堂領回馬克道俟獲日



按法懲治餘皆痛杖大枷發四城門示衆阿訟阿載

阿惜爲邑人所痛恨尤深環觀者千百皆嚼齒指罵

或擊以沙泥燔以草火而彼婦之丈夫亦從人羣中

潛錐其股灼巨艾灸之阿惜咬舌而死阿載等不數

日皆後先畢命潮人相舉手加額稱大快阿祿阿繼

其後亦皆病斃惟莊阿汎以頭觸庭階自稱能改過

從寬杖責與之小枷阿汎竟帶枷逃脫未及兩月又

以謀財劫殺郭君芳命案獲出按問如律不效

婦人再醮至爲盜賊所輕甚矣失節之不可也當

惡貫滿盈自鹿聽從民便

此人之忿亦洩

果然大快

不死不休天網不濫

時新婚宴爾既遭賊虐乃夫又不敢告若非他案發覺幾於有寃無伸矣羣賊橫行莫當一日數犯不諱善良受害何可勝言此半由潮屬三年荒歉亦半由吏治姑息成風是以馴致此極耳令君署事數日盡力廓清盜賊至相戒曰此人一日在此我輩做鬼亦無處偷若再半年不去我輩做鬼亦無處逃果然數月之後匪類絕迹地方歡樂感召天和年穀豐登向之斗米三百錢者未及一年則石米亦止三百錢雖欲執鄉民而驅之爲盜賊不

可得也於此見邑令關係民生洵非淺鮮

...

...

...

...

...

...

...

...

閩廣洋盜

洋盜故惠潮土產也。其爲之若兒戲然。三五成羣。片言投合。奪取小舟。駕出易大。習爲固然也。久矣。余以丁未秋。涖普特嚴弭盜。甫兩月。境絕穿窬。山溪清廓。時尚未越俎代潮也。冬十月。有南灣鎮差員高聰。紀壽林耀等。賫投公檄。移提行劫樟林港大盜林阿相。李阿來。余以綏靖地方。無分彼此。亦不暇辨阿相等之是否真賊。卽依來文。喚出移解。旣而思之。海洋行劫賊徒。必多散黨。還家豈僅寥寥一二輩。若不多方

深。知。宵。小。情。狀。

是。見。公。忠。爲。國。心。腸。



搜緝使其根株淨盡潛藏鄉村爲害匪淺不可謂普  
可爲大臣邑無海疆責任遂漠然置之也因遣役密訪有李阿  
才李阿皆李阿繒三人踪跡可疑隨差陳拱陳勇攝  
訊則李阿繒乃從前竊豕經余拘責者憶其月日似  
不宜有出海之事屏左右密訊之阿繒果未同行且  
言林阿相李阿來皆昔年舊案板累非此次在洋行  
劫之人惟李阿才李阿皆出海爲匪是實余釋阿繒  
去細鞫阿才阿皆皆不自掩諱直供係黃呂璜耳聾  
京林老貨招邀出海九月十一晚在老貨家對面南

徑山會齊山多林木衆喜其密茂遂止宿焉老貨遣弟林阿鳳以飯至山餉衆次夜抵桑田之鳳脰山藏石洞內一日又次夜奪取海邊空螭船二隻共駕出海十四日在花嶼洋面劫奪鄭財源鄭廣利縉子船二隻將原螭船棄去十五日在福建將軍灣海面奪坐一紅頭船載鹹魚者十七日在井尾洋面奪得吳德隆鹽船衆人利其寬大將鹽盡棄下水羣趨坐之共坐一船其紅頭船縉子船三者皆釋回惟畱縉船中水手杜阿利在鹽船相助駕駛九月二十四日在潮屬廣灣

此九月十三日出口之始

洋面劫奪林有利等杉木船亦卸其杉木下水林老

從○北○分○為○兩○船○

貨等二十二人分而坐之阿才阿皆與黃呂璜等二

兩○船○分○散○

十一人仍坐鹽船是夜風濤大作兩船不能相顧遂

各飄散黃呂璜船上風篷破損米糧又竭饑寒迫身

此○先○一○船○散○

不能久處海面于十月初四日在惠來縣所屬之香

務○之○處○

員灣沈械入水棄舟登岸散黨潛歸黃呂璜傾跌坑

溝僵凍而死餘皆空手乞丐還家林老貨等一船尚

不知其踪跡去向也問同黨幾人曰四十三人問誰

為首曰赤鬚大哥耳龔京林老貨黃呂璜皆為首者

呂璜係同縣人。鄉居不遠。是以知其名姓。餘皆混名。  
○是○洋○盜○常○態

綽號相呼。必見面乃能識之。余意同黨許多。豈有槩  
不識名之理。必係代為隱諱。命刑之李阿才叩首曰。  
實不知也。平日所相呼者。有陳二潑。肚猴。順偷。食油。  
鼠。上海客。文萊。薯。芬。筒。公。單。鞭。皂。隸。侯。大。漢。阿。肥。二。  
十三仔。老二。猴。蕭。大。肚。權。師。皆不知其姓名。卽赤鬚。  
大。哥。耳。聾。京。亦不知何姓。林老貨亦不知何名。惟憶。  
老貨家在潮陽縣之隴頭鄉。有弟林阿鳳。雖無下海。  
然往來要約。招夥集械。皆阿鳳奔走。効勞若拘獲一。



此。是。得。賊。根。原。林阿鳳則諸人名姓可識矣正在設謀訪緝閒復據

馬快陳勇稟稱揭陽縣屬之棉湖寨有黃阿鳳一名

係出海行劫之賊余意此必林阿鳳詭姓也飛差陳

拱陳勇余進賫檄往諭湖口司巡檢方大忠立擒黃

阿鳳以來質之李阿才曰陳二潑也問獲者實何姓

名據稱實名黃阿鳳詭號陳二潑家居棉湖係黃呂

璜招邀入夥與阿才等同坐一船在香員澳登岸散

黨者時南灣鎮差員高聰陳申紀壽林耀等聞縣令

獲賊皆來問姓名乞將三賊賞與差員報功可得把

可。憐。

總之職余曰噫此亦甚善但賊徒尚多欲一一緝獲

必須有人質對然後無枉無縱不累善良且遲數日

待我獲有多賊則賞汝矣高聰等不能待將李阿才

三人姓名星夜飛報鎮帥鎮帥以為莫大奇功星夜

飛報閩廣兩省總督提督內有差員獲賊李阿才李

阿皆黃阿鳳三名被普寧縣借去之語余笑曰借衣

可穿借銀可用借賊何為乎余初不知武弁獲賊如

詐勲勞以為猶夫文員分內尋常之事是以未與之

耳彼遂強冒為已功一至此耶幕友不能平勸申文

此乃為地方非吝也

太平將帥此便

是功

與之辨此辨太銀謂花嶺廣濶地方皆鎮帥轄轄之下何獨吝

一鎗一刀讓大功而不建反以漁舟商艘盡借與賊

今欲向縣獄之中分捕快縛來之匪黨以為封疆大

臣銘鐘勒鼎之殊勳不亦羞弁韜而貽盜賊之笑乎

余曰如此非文武和衷之誼不如讓之我等焦心勞

思無非綏靖地方起見若以此為名為功則三尺童

兒齒冷矣其李阿才所供知賊之林阿鳳時即乘夜

飛差往緝一面移知潮陽縣差役協擒次日回報隴

頭鄉並無其人余未以為信也密令李阿才乘婦人

愧欲絕

得大體妙

其人聞之自慙

此著

輿壯役陳拱隨其後潛聽阿才指揮昇入隴頭鄉直

陳場

至林老貨門前陳拱見其家有婦人遽問曰汝老貨

亦能

在否婦人曰乞丐死矣陳拱復問小叔阿鳳在否婦

真消息

人曰久不來也於是陳拱喚鄉長保王協拘而婦人

忽改口言不識老貨阿鳳為何人擁之入縣庭訊之

婦人堅稱不識老貨亦無材阿鳳問鄉長鄉長亦言

村中並無此二人名姓余思陳拱造門一問婦人不

意一答真情已經畢露豈有鄉中全無此人之理命

不可少

曳下鄉長夾訊之鄉長大呼曰有也但以目視二保



正而不言。余思二人必有弊命。出門外候呼喚鄉長。乃言村中向有林阿任混號老貨。自九月他出在外作賊未歸。近有傳其已死者。不知真偽。此婦實老貨之妻。日出丐食。林阿鳳卽老貨之弟。今亦逃匿他處。保正恐難拘貽累。令我固稱無有。我是以不敢言也。因將保正蘇贊卿嚴加刑夾。楊新重杖三十。俱置獄中。謂曰：阿任阿鳳獲到則釋。不然囚之一世。越數日。差役陳拱等多方訪緝。果獲林阿鳳。以來自稱並無下海。止奔走往來。招邀蘇阿佑洪美玉李阿才李阿

林阿鳳一到便有頭緒

不如此是不能得賊

皆鄭旭卿姚阿祿黃阿德鄭阿順及九月十一夜餽  
飯餉衆之事言之歷歷洪伯豐黃呂璜購置軍械鎗  
刀牌棍大砲火藥鈎鐮鎗竹篙槍之類皆鑿鑿有據  
飯後因器械不足有南徑羅朝權遣弟羅朝學携來  
藤牌糧米送與衆人他事我不知也復攝到羅朝權  
羅朝學供稱昇平世界不意衆人有下海爲匪之事  
林阿鳳洪美玉平日相識彼稱欲包蔭洋田來借牌  
刀防守盜稻不敢不與實因不知而悞借之非同黨  
先○是○局○外○熱○腸○此○則○身○在○當○局○  
也是時余兼攝潮篆有兩邑地方之責且羣賊多係

潮人桑田出海廣灣劫奪皆潮陽一縣之事雖疎防

非我任內而弭盜不可不清會海門達濠各營將弁

和衷

皆以捕賊為急俱遣目兵會同緝捕余差周拔鄭川

偕目兵劉智明周瑞等拘獲蘇阿佑即老七一名鞠

訊之始知耳聾京即蔡阿京係潮邑和平寨人也普

兩邑並搜自無過處

役陳拱等復拘到洪美玉一名供在潮陽鳳脰出海

行劫閩粵各船及香員灣散黨登岸之處俱相符合

復會同達濠營拿獲鄭阿順一名乃惠來神泉人即

混名肚猴順者供有姚阿祿許阿光侯阿舜鄭阿鳳

文武

諸人而普役陳拱等已拿獲鄭阿鳳至矣據稱廣海

到後船便有頭緒

行劫杉木船被風飄散之後與洪伯豐林阿任等同

坐一船于十月初十日在惠州金嶼洋面奪得安興

利繒子船二隻始將杉木船放回而繒子船亦釋去

其一十五日在海豐下湖東洋面劫奪陳元魁糖船

一隻二十五日在碣石地方與官兵哨船相遇拒捕

對敵被砲火傷死者六人赤鬚大哥芬筒公單鞭皂

隸二十三仔老二侯其赤鬚大哥即洪伯豐也林阿

任蔡阿京共議舟中無棺斂將所獲布疋纏裹六屍



役之海駕船飛遁二十八日米糧乏絕遂在大鵬山

散器之處

地方將器械沈水散夥登岸其繒船水手杜阿利先

杜阿利結局

于十月初六日在金嶺山邊取水乘閒逃回去矣復

據達濠營把總翁耀拿獲許阿光一名移解前來即

混石上海客亦號偷食油鼠者也而差役鄭川翁

此渠魁也

鄭應等多方訪緝弋獲林老貨即林阿任一名據供

因家貧米貴九月初七日往麒麟埔墟買米遇洪伯

豐蔡阿京黃呂璜商謀出海行劫米船係伯豐起意

為首同夥四十三人除衆人所供之外尚有李阿元

尾李阿完高阿童高阿權蕭旭友王阿貴陳烏卜蔡

阿發孫阿尾黃阿九吳大英楊阿勇陳阿陽莊阿耀

劉阿應盧阿利李武臣王阿熊及呂璜所誘之頑童

鄭阿尊等其自出海行劫閩粵各船以及散夥分贓

之處與衆人不謀而合也而蔡阿京一賊亦被差役

此亦深魁

鄭川翁植林光林潔陳萬科等購得囚線尾其行踪

擒獲以來復檄行普邑署典史張天祐帶同本縣幹

各盜就獲

役按照所供住址拘獲權師即高阿權一名李十二

如魚入網

即李阿完一名高阿童侯阿朝即阿肥及鄭阿尊等

三名復關移惠來縣拘獲劉阿應一名而高阿權先

于十月初六日在惠來鄉開薯園被鄉保緝獲惠尉

嚴刑不承惠令刑夾四次亦不以實告羈獄久之因

病醫調乘隙逃歸十一月二十八日方回到舍而初

一日已就縛矣初猶支吾抵飾及見同黨齊集眾証

明確亦自直認不辭不待刑法之及也復關移海陽

縣獲到吳陳盛一名達濠營千總陳安瑞在錢崗拿

獲袁阿仁一名復據差兵陳武吳萬在青洋山拿獲

姚阿祿一名皆質訊無異則此案大盜已拘獲十八

賊骨

應悔從前排夾

九人矣。而王阿貴就獲于羊蹄嶺。鄭阿清即鄭旭卿。

就獲于葵潭。黃阿九。孫阿尾。陳烏卞。蔡阿發。李阿元。

尾。就獲于海豐。皆碣石鎮所遣營弁。目兵在各處訪。

緝。弋獲者也。潮州鎮差兵林捷先。在揭陽深浦山下。

潮鎮獲賊

海鎮獲賊

拿獲楊阿勇。即文萊薯一名。而盧阿利。李武臣。王阿。

熊。陳阿陽。莊阿耀。吳阿來。吳大英。侯阿舜。即侯大漢。

皆就獲于南灣。南灣鎮咨解福建水師提督總督等。

以粵省之案較重。將盧阿利等解回。發交潮陽縣承。

審計此案盜夥。惟林阿鳳未經下海。鄭阿尊被欺為。



龍陽雖同在舟中。不分贓物。不知行劫爲何事。此外

全夥盡獲。只少一人。

實賊四十三人。今緝獲三十四人。碣石鎮官兵殺死

六人。惠來登岸。跌死之黃呂璜一人。則四十有一人。

矣。未獲者蕭旭友黃阿德耳。然各賊皆稱旭友卽蕭

大肚也。砲傷深重。散黨之時。不能行走。必死在大鵬

山中。止黃阿德一人。未知去向。釜底遊魂。終無所逃。

不。久。亦。當。就。縛。

于天地之外。徐以俟之可耳。當堂鞠訊。則船戶鄭財

源鄭廣利林有利杜阿利等。與羣盜俱。皆熟識語言。

識認的確。

笑貌不啻故人。自桑田鳳脰出海之後。花萼將軍灣

井尾廣灣所劫各船四十三人之所同也其自十月

後一船詳悉

初四以後所劫安興利陳元魁等船則洪伯豐林阿

則先一船人數可知

任蔡阿京許阿光姚阿祿侯阿舜李阿完高阿童鄭

阿清鄭阿鳳王阿貴蔡阿發李阿元尾陳烏卜芬筒

公單鞭阜隸二十三仔老二侯吳阿來蕭旭友黃阿

德等二十二人之所獨也李阿才蘇阿佑等二十一

罪不容寬

人雖少劫二船無拒敵官兵之罪然遊奕海面非止

一日剽掠閩廣非止一船得贓有多寡按法無輕重

如律

藁街之律均不能寬亦不必分首從也林阿鳳永徒

邊陸鄭阿尊年幼無知與羅朝權羅朝學並行責釋  
被棄下水之杉木魚鹽及所捨衣服銀布俱于各盜  
名下變產追賠給主其兩船所用軍器既經沈沒海  
中亦不必深求矣余于此案大盜設謀購緝晝夜焦  
勞差役奔趨於四境而隣邑同寅不以爲忌羽檄縱  
橫於遠近而文武將弁協心宣力不以爲嫌始以旁  
觀之熱腸爲隣封驅除狼莠繼以攝篆棉疆身在當  
局有承審之責任爲兩省永奠安瀾其獲之也勞則  
審之也逸覺向日之爲人者今皆所以爲已可見綏

隣邑亦實  
將弁亦實

靖地方不必存此疆彼界之念文武和衷公忠為國

要

天下焉有難處之事哉林阿相李阿來二名灣鎮知

其非賊發回保釋粵省督撫臬司行查誣良為盜官

妙妙

役職名余曰噫南灣鎮營之功不可沒也因假而得

真阿相阿來何吝焉乃以林阿相為普邑馬快役專

司捕盜李阿來以老歸農從茲閩粵海疆二千里

波濤不動商賈晏然亦官斯土者之一快也夫

普邑無海疆干係只是旁觀熱腸不禁技癢東拘

西緝南檄北關所謂綏靖地方無分彼此也到潮



後駕輕就熟搜捕如神文武和衷鄰封協力奸徒  
焉有漏網乎一片公忠爲國之心於此可見

事○不○越○商○賈○矣○然○亦○有○讓○士○者○之○一○也○也○及○其○  
何○如○益○李○阿○來○以○其○詞○身○於○茲○聞○與○  
其○詞○匪○阿○來○阿○容○流○及○林○阿○財○盜○曾○爲○  
其○難○益○余○曰○意○南○縣○疑○營○之○女○不○可○以○  
其○非○類○發○回○尉○縣○事○皆○辦○果○臣○許○  
天○不○高○香○藥○風○任○事○結○林○阿○財○盜○  
誠○壯○寸○不○改○存○此○鄙○則○果○之○念○安○

兄弟訟田

故○氏○陳○智○有○二○子○長○阿○明○次○阿○定○少○同○學○壯○同○耕○兩○  
人○相○友○愛○也○娶○後○分○產○異○居○父○沒○剩○有○餘○田○七○畝○兄○  
弟○互○爭○親○族○不○能○解○至○相○搆○訟○阿○明○曰○父○與○我○也○呈○  
圖○書○閱○之○內○有○老○人○百○年○後○此○田○付○與○長○孫○之○語○阿○  
定○亦○曰○父○與○我○也○有○臨○終○批○囑○為○憑○余○曰○皆○是○也○曲○  
在○汝○父○當○取○其○棺○斲○之○阿○明○阿○定○皆○無○言○余○曰○田○土○  
細○故○也○弟○兄○爭○訟○大○惡○也○我○不○能○斷○汝○兩○人○各○伸○一○  
足○合○而○夾○之○能○忍○耐○不○言○痛○者○則○田○歸○之○矣○但○不○知○  
斷○法○奇○

當○前○指○點○使○之○自○思

汝○等○左○足○痛○乎○右○足○痛○乎○左○右○惟○汝○自○擇○我○不○相○強○

汝○兩○人○各○伸○一○不○痛○之○足○來○阿○明○阿○定○答○曰○皆○痛○也○

余○曰○噫○奇○哉○汝○兩○足○無○一○不○痛○乎○汝○之○身○猶○汝○父○也○

汝○身○之○視○左○足○猶○汝○父○之○視○明○也○汝○身○之○視○右○足○猶○汝○父○之○視○定○也○汝○兩○足○尚○不○忍○舍○其○一○汝○父○兩○子○肯○舍○其○一○乎○此○事○須○他○日○再○審○命○隸○役○以○鐵○索○一○條○兩○

汝○身○之○視○左○足○猶○汝○父○之○視○明○也○汝○身○之○視○右○足○猶○

汝○父○之○視○定○也○汝○兩○足○尚○不○忍○舍○其○一○汝○父○兩○子○肯○

舍○其○一○乎○此○事○須○他○日○再○審○命○隸○役○以○鐵○索○一○條○兩○

繫○之○封○其○鑰○口○不○許○私○開○使○阿○明○阿○定○同○席○而○坐○聯○

袂○而○食○並○頭○而○卧○行○則○同○起○居○則○同○止○便○溺○糞○穢○同○

蹲○同○立○頃○刻○不○能○相○離○更○使○人○偵○其○舉○動○詞○色○日○來○

報初悻悻不相語言。背面側坐。至一二日。則漸漸相

向。又三四日。則相對太息。俄而相與言矣。未幾。又相

與共飯而食矣。余知其有悔心也。問二人有子否。則

阿明阿定皆有二子。或十四五。或十七八。年齒亦不

此○着○更○奇○

相上下。命拘其四子。偕來呼阿明阿定。謂之曰。汝父

不合生汝兄弟二人。是以今日至此。向使汝止子。然

說○到○此○處○雖○

一身田宅。皆為已有。何等快樂。今汝等又不幸皆有

木○石○鳥○獸○亦○必○回○心○

二子。他日相爭相奪。欲割欲殺。無有已時。深為汝等

趣○語○

憂之。今代汝思患。預防汝兩人各留一子足矣。明居



長留長子去少者可也。定居次留次子去長者可也。  
命差役將阿明少子阿定長子押交養濟院賞與丐。  
首為親男取具收管存案彼丐家無田妙妙可爭他日得  
免於禍患阿明阿定皆叩頭號哭曰今不敢矣余曰  
不敢何也阿明曰我知罪矣願讓田與弟至死不復  
爭阿定曰我不受也願讓田與兄終身無怨悔余曰  
汝二人皆非實心我不敢信二人叩首曰實矣如有  
悔心神明殛之余曰汝二人即有此心二人之妻亦  
未必肯且歸與婦計之三日來定議越翼日阿明妻

欲併化其室人

以堅其志

善事

郭氏阿定妻林氏邀其族長陳德俊陳朝義當堂求  
息娣向化之速似相扶攜伏地涕泣請自今以後求相和好皆  
不愛田阿明阿定皆泣曰我兄弟蠢愚不知義理致  
費仁心今如夢初醒慙愧欲絕悔之晚矣我兄弟比  
不願得此田請捨入佛寺齋僧可乎余曰噫此不孝  
之甚者也言及捨寺齋僧便當大板撲死矣汝父汗  
血辛勤創茲產業汝弟兄鷓蚌相持使秃子收漁人  
之利汝父九泉之下能瞑目乎為兄則讓弟為弟則  
讓兄交讓不得則還汝父今以此田為汝父祭產汝

愚人語

至情至理

此是正斷

弟○兄○輪○年○收○租○備○祭○子○孫○世○世○永○無○爭○端○此○一○舉○而  
數○善○備○者○也○於○是○族○長○陳○德○俊○陳○朝○義○皆○叩○首○稱○善  
教○阿○明○阿○定○郭○氏○林○氏○悉○歡○欣○感○激○當○堂○七○八○拜○致  
謝○而○去○兄○弟○妯○娒○相○親○相○愛○百○倍○曩○時○民○閒○遂○有○言  
○非○為○此○  
禮○讓○者○矣

此案若尋常斷法弟兄各責三十板將田均分便  
可片言了事令君偏委婉化導使之自動天良至  
于涕泣相讓此時兄弟妯娒友恭親愛豈三代以  
下風俗哉必如此吏治乃稱循良

卓洲溪

○此○等○不○除○便○爲○大○盜○  
有○饑○民○乘○黃○昏○駕○船○在○卓○洲○溪○懷○客○適○余○自○普○之○潮○  
以○是○夜○二○更○過○貴○嶼○見○一○人○攔○輿○號○呼○自○稱○我○郭○元○  
藏○也○晨○往○軍○埔○墟○買○易○暮○從○石○港○泛○舟○還○中○流○被○盜○  
攫○去○銅○錢○八○千○黃○白○楮○四○十○束○布○衣○履○囊○筐○各○一○事○  
舟○人○王○阿○象○赴○水○逃○生○同○避○難○者○李○啓○宣○黃○朝○盛○也○  
問○賊○何○情○形○曰○十○餘○人○駕○八○槳○舫○母○船○不○新○不○舊○爲○  
篷○四○前○一○篷○破○損○後○載○竹○篙○鎗○一○束○余○卽○于○道○中○停○  
○大○敵○  
輿○張○燈○草○檝○調○保○正○楊○勳○李○纘○蘇○贊○卿○楊○新○等○率○丁○  
○神○速○如○臨○



壯八十名沿溪飛捕獲者懸賞十金縱者重杖滿百

越次日尚寂然無踪也得之矣因思多槩舫母船非內溪所

有乃隆津練江運載私鹽之具復調集水保方東昇

姚萬進鄭茂紀姚子寧等在于練江後溪港一帶遍

行訪緝越三日果在溪港鄉港內弋獲八槩舫母船

一隻繫維草岸內有竹篙鎗一束其前一篷亦破損

問主者則鄭良煥鄭阿清鄭候器也拘長煥等問訊

皆茫然不知謂船式偶爾相同且自稱因貧違禁私

置多槩舫母船採捕有時竊載一二石私鹽亦不能

老實

免實無攘奪卓洲溪情事詞甚可信余以鄭阿情素

比匪江上船母船有幾平日非善良能攘竊者有幾

度無不瞭然者數詰問不以實告將刑之阿清乃言

鄉人鄭阿忠鄭阿鄒于二月二十三日在下尾橋邊

貨賣番薯見王阿協范阿義駕八槳船母船乘風飛

駛直入貴與其舟中有十許人竹篙鎗一束正卓洲

溪被搶之日此其是矣復喚鄭阿忠鄭阿鄒赴訊如

所言因命捕王阿協等則王阿協范阿義相率昂然

自行投訊余心疑其為良民也忽階下有以鄉音相

其言曰幾于細漏

罪人斯得

相

此者

相

語者曰此必良民也若是盜賊焉敢自來送死味其

語意似故使余聞知者余思此左右有人非果善良

則為大盜未可輕釋當從容訊之阿協阿義果不承

鄭阿清等亦無以相難也惟保正鄭茂紀言阿協乃

有名積盜保正李纘揚新言范阿義素非善良而鄭

長煥言二人平日皆在姚紹聰船母船上住宿寢食

無他處因復攝到姚紹聰鞫問則紹聰佯為不識阿

協阿義二人也者且自駕雙槳小舟赴驗明非船母

情詞亦似可信也而姚族生監多人林立階下請釋

此○著○求○工○反○拙○

透○出○真○消○息○

此○著○更○高○

此○著○亦○高○

羽○翼○亦○衆○

善○良○以○安○本○業○余○曰○且○遲○之○復○有○惠○潮○道○差○員○李○姓○  
者○扣○扉○諸○見○余○不○納○遣○闞○者○問○所○欲○為○則○言○貧○民○乏○

食○相○攘○竊○亦○屬○細○故○不○可○以○大○盜○通○詳○恐○於○道○憲○考○

成○有○礙○余○曰○災○黎○元○氣○未○復○大○事○亦○當○化○小○吾○但○欲○

○情○法○兩○盡○仁○人○之○言○

有○罪○者○伏○其○辜○不○肯○使○干○連○者○疲○于○路○詳○解○則○牽○累○

多○人○吾○不○忍○也○李○又○言○姚○紹○聰○王○阿○協○范○阿○義○皆○善○

○得○體○

良○請○早○釋○余○曰○良○匪○俟○審○明○乃○知○此○非○吾○所○得○自○主○

也○越○日○將○再○訊○思○此○人○出○巨○族○勢○力○蟠○結○堂○上○方○發○

○果○然○可○畏○

一○言○外○閒○已○知○趨○避○百○足○之○蟲○扶○之○者○衆○恐○未○易○得○



情。乃屏左右於內堂訊之。一切閑人皆驅逐。勿令窺

伺。語言待質諸犯。亦分置各處。不使相謀。面接耳先。

得度

妙妙

呼保正鄭茂紀責之曰。汝職在地方。稽查奸匪。今縱

人讓客。而不以實告。即是汝作賊也。汝鄉中出為匪

者。幾人。姚紹聰船母船。今匿何處。此雙槳小船。又從

不。得。不。實。說。矣。

何來。不實言先夾汝。茂紀乃言。姚紹聰王阿協范阿

義。此三人搶劫是實。其餘同伴不知姓名。姚紹聰八

槳船。母船前蓬破壞。先在南塘鄉池中。後因追求日

急。潛令其兄姚紹貴于十五夜駕出海門。猷灣藉稱

採捕急則便于遠颺其雙槳小船乃事發之後在和平港內以二金購來抵塞者我畏其族大強兇是以

不敢言也余叱退之呼王阿協至前給之曰汝乃為

給得妙

紹聰所欺無故以父母之身代人受刑法今紹聰已

字字說着心

自不諱謂此八槳船母船實所置造前篷破損先沈

尚不由人不

在南塘池中後使其兄姚紹貴駕出海門今在猷灣

弋獲矣其雙槳小船乃在和平買來抵塞者價銀二

兩汝尚能代為掩諱乎吾固知汝等窮民無家可歸

在人舟中度活亦是可憐之事汝等但勿作賊何必

宛轉得妙

以言話之

併船而諱之王阿協叩頭曰是也我等實係善良不

敢作賊止在姚紹聰舟中寄食而已余曰未也紹聰

言汝盜賊之性不可與交彼憐汝無歸以空船借汝

安宿汝遂潛招匪類范阿義等十餘人竊駕行劫彼

恨為汝所欺致遭波累是以令汝勿言以受刑法今

汝尚欲受刑以快彼之意乎王阿協仰天嘆曰我等

有何能為不過從姚紹聰指麾耳卓洲溪之事實姚

紹聰主之同行者范阿義范阿喜姚阿相馬阿弘姚

伯蘭許阿加邱阿竈陳伯榮陳伯炯陳伯鳳等皆姚

瓶矣

直窮到底

王阿協亦老實

說則一激之力耳

紹聰招來所得郭元藏等錢二千七百五十文皆  
姚紹聰俵分奈何獨歸過于我乎繼呼范阿義至亦  
如王阿協所言乃訊紹聰紹聰猶支吾掩飾以王阿  
協范阿義供詞告之紹聰亦直受不辭且悉數所得  
賊物多猪肝猪肺二者郭元藏嘻嘻叩首曰有之日  
前脏單偶遺後乃記憶以細微不敢瀆請今紹聰自  
言及此其爲此案真賊無疑矣方東昇言邱阿竈乃  
姚萬進哨丁先在姚紹聰家擒捕王阿協爲紹聰所  
阻阿協得脫乃自赴投訊又捕獲阿義之兄范阿喜

○以○二○件○所○謂○是○真○難○得○假○也  
○不○覺○多○數



故○仇○誣○非○同○黨○也○而○許○阿○加○陳○伯○榮○陳○伯○炯○陳○伯○鳳○  
皆○與○阿○協○阿○義○有○宿○怨○且○有○多○人○公○保○良○善○惟○范○阿○  
喜○姚○阿○相○等○跡○甚○可○疑○難○以○掩○飾○而○亦○有○生○監○多○人○  
保○結○求○寬○且○有○道○差○為○之○左○右○稍○一○究○詰○則○波○及○富○  
厚○良○民○必○欲○直○窮○到○底○恐○無○辜○株○累○者○必○多○從○寬○將○  
范○阿○喜○姚○阿○相○馬○阿○弘○等○劄○懲○示○儆○而○為○首○之○姚○紹○  
聰○王○阿○協○范○阿○義○各○予○滿○杖○枷○號○三○月○示○衆○滿○日○再○  
責○四○十○板○造○入○匪○類○冊○朔○望○具○結○點○卯○追○贓○給○還○郭○  
元○藏○李○啓○冠○黃○朝○盛○等○八○槩○雙○槩○大○小○船○卽○以○充○賞○

乃于姚紹聰名下追銀十兩分賞保正壯丁示無失  
信自是溪河肅清夜舟往來無窒礙惟道差李姓者  
管○得○許○多○  
不悅且駸駸有後言矣

饑民攘奪似小實大不可不嚴然欲以劫賊通詳  
而置之死地則又似大實小情不忍也荒歉之餘  
弗堪久累使事主有原贓之獲而無解省跋涉中  
途餓殍之憂莠民有懲創之苦有萬死一生之慶  
從茲改過遷善不敢爲非法如是足矣當令君初  
到時此類甚多欲詳不可勝詳數月之後遂已絕



改甲冊

潮屬詞訟好牽告多人相磨累以示武或捏造花名  
惡習宜變  
居可網利或行賂改匿移向他人蓋訟師蠹役樂此  
為利余方厲禁之而未止也一日有鄭娘寶毆死林  
嘉杜命案牽連助毆之人甚多鄭阿祖火題一名與焉註  
係梅花村人遣役攝訊閩村並無阿祖據屍母陳氏  
稟稱卽鄭啓亮隨呼啓亮赴訊自言小名阿清並非  
阿祖屍兄林嘉樹力爭此人實是阿桶如係阿清我  
甘反坐蓋潮邑鄉音袒與桶兩字如一並無分辨余



異之謂啓亮曰今日所重在有無助毆汝卽阿桶亦

何妨啓亮呼天搶地言若是阿桶便助毆是真林嘉

樹亦指天誓日言啓亮若不是阿桶我便誣告是真

余曰噫此易辯耳命兵房取家甲冊來觀之則鄭啓

亮小名乃阿稱也字畫濃淡一色渾然無閒余曰若

是阿清則無疑義此稱字可疑恐係桶字所改再取

五年舊甲冊觀之亦是阿稱但中間小點墨色加濃

不似一筆書成者且閱其兄弟小名旁皆從木豈有

啓亮一人獨從禾邊之理拍案呼曰鄭啓亮好大膽

啓亮一人獨從禾邊之理拍案呼曰鄭啓亮好大膽

自○格○其○禍

幾○中○其○計

疑○得○妙

辯○得○精○細

膽○破○矣

也。汝小名實係阿桶。敢改阿稱以欺我。將謂我可欺乎。今助毆是真矣。且問汝家甲冊作何改法爲汝改者。誰也。啓亮知不可隱。乃言實名阿桶托兵書林集賢代改者。拘林集賢對質。則得其賂錢三百文。代爲盜改家甲冊。是實將林集賢痛責四十板。革退兵書。荷校于市者兩月。啓亮亦加重責。審無助毆情事。余嘆曰。鄭啓亮弄巧成拙。深可笑也。汝家住梅花離縣二十里。鄭娘寶致死林嘉柱之日。汝實未嘗在場。風馬無干。本縣自能審釋。使無串通蠹役盜改官冊此

此膽

是見公明

刻寧家去矣。汝何以深心揣度。知我必吊觀甲册。又何以深心善謀。連舊册亦併添。改作弊如神。可畏成甚。豈料我之燭奸。亦如神。卽彌縫至精。至巧。終難以相欺乎。衆人皆叩首稱神明。鄭啓亮以頭觸地乞矜釋。余曰。弄法蒙蔽。非常大惡。吾方爲潮邑。除奸弊。此事斷不可寬。亦荷校于市。使吾民知法紀。可也。自是作弊者稍斂。余亦嚴禁代書。不許牽告。五名以上。而習俗爲之一變矣。

作弊奇捉弊更奇如此細心焉有冤抑